

Na osnovu tačke 5.2. Uputstva „Popunjavanje radnih mjesta u Društvu“, J.P. Međunarodni aerodrom "SARAJEVO" d.o.o. Sarajevo, uz prethodno pribavljenu saglasnost Federalnog ministarstva prometa i komunikacija br. 08-45-174-1/25 od 29.01.2026. godine i Odluke Uprave Društva kojom se odobrava popunjavanje radnih mjesta u Društvu, br. 05-1-30-1-1506-0/26 od 03.06.2026. godine i br. 05-1-30-2-1570-1/26 od 17.06.2026. godine, **J.P. Međunarodni aerodrom „SARAJEVO“ d.o.o. Sarajevo, dana 06.07.2026. godine, raspisuje**

JAVNI OGLAS za prijem u radni odnos

I

Raspisuje se javni oglas za prijem u radni odnos za rad na radnim mjestima:

1. **Stručni saradnik za avijacijske usluge u Sektoru aerodromskih usluga** i to:
 - 1 (jedan) izvršilac na određeno vrijeme (12 mjeseci) sa početkom rada nakon okončanja oglasne procedure,
2. **Konobar u Sektoru aerodromskih usluga** i to:
 - 1 (jedan) izvršilac na neodređeno vrijeme sa početkom rada nakon okončanja oglasne procedure,
3. **Elektroničar u Sektoru razvoja, tehnike i standardizacije** i to:
 - 1 (jedan) izvršilac na neodređeno vrijeme sa početkom rada nakon okončanja oglasne procedure,
4. **Saradnik za razvoj i održavanje u Sektoru razvoja, tehnike i standardizacije** i to:
 - 1 (jedan) izvršilac na neodređeno vrijeme sa početkom rada nakon okončanja oglasne procedure.

II

Shodno članu 87. st. (1) i (2) Pravilnika o radu J.P. Međunarodni aerodrom "SARAJEVO" d.o.o. Sarajevo kandidati koji apliciraju za radna mjesta iz tačke I ovog javnog oglasa, osim opštih uslova propisanih zakonom, moraju ispunjavati i sljedeće posebne uslove:

1. Stručni saradnik za avijacijske usluge u Sektoru aerodromskih usluga

Stručna sprema: VSS/MA - VII stepen stručne spreme predbolonjskog sistema, odnosno visoko obrazovanje najmanje prvog ciklusa bolonjskog sistema (koji se vrednuje s minimum 240 ECTS bodova)

Struka / Smjer : Fakultet društvenog ili tehničkog smjera

Znanja / vještine / sposobnosti: 1. Poznavanje rada na računaru; 2. Znanje engleskog jezika; (provjeriće J.P. Međunarodni aerodrom "SARAJEVO" d.o.o. Sarajevo testiranjem);

Radno iskustvo: Najmanje 1 godina radnog iskustva u struci ili 3 godine opšteg radnog iskustva u radu na poslovima i zadacima civilnog zrakoplovstva, putnika i prtljaga.

Probni rad: 4 mjeseca

Opis poslova radnog mjesta:

1. Radi na uvođenju novih aviokompanija;
2. prati i proučava propise kojima je uređena oblast međunarodnog i domaćeg zračnog saobraćaja;
3. prati ažuriranje AHM810 SGHA od strane IATA organizacije i ažurira Aneks A;
4. radi na ažuriranju prezentacije Aerodroma;
5. vodi računa o objavljenim informacijama iz oblasti avijacijskih usluga na oficijelnoj web stranici Aerodroma te predlaže izmjene i dopune;
6. vrši marketinška istraživanja domaćeg i stranog tržišta iz oblasti avijacije, te dostavlja prijedloge šefu Odjela;
7. učestvuje u izradi mjesečnih, periodičnih i godišnjih izvještaja o poslovanju iz domena avijacijskih usluga;
8. obavlja poslovne kontakte s korisnicima avijacijskih usluga;
9. učestvuje u izradi ugovora iz oblasti avijacijskih usluga;
10. učestvuje u izradi i ažuriranju Cjenovnika avijacijskih usluga;
11. dostavlja pravovremene informacije nadležnim sektorima Društva o načinu plaćanja avijacijskih usluga, trajanju ugovora/amandmana, kao i informacije o odobrenim popustima;
12. radi na poslovima standardizacije i sistema upravljanja ISO i ostalih standarda u okviru rada Odjela;
13. odgovoran je za kvalitetno, blagovremeno i zakonito obavljanje poslova iz opisa ovog radnog mjesta
14. obavlja i druge poslove po nalogu šefa Službe.

2. Konobar u Sektoru aerodromskih usluga

Stručna sprema: KV - III stepen stručne spreme

Struka /Smjer: Konobar ili šankista

Znanja /vještine/sposobnosti: Znanje engleskog jezika

(provjeriće J.P. Međunarodni aerodrom "SARAJEVO" d.o.o. Sarajevo testiranjem)

Radno iskustvo: Najmanje šest mjeseci radnog iskustva u struci

Probni rad: 2 mjeseca

Opis poslova radnog mjesta:

1. Radi sve poslove vezane za posluživanje gostiju;
2. izdaje račune gostima i odgovara za tačnost istih;
3. odgovoran je za čistoću stolova, stolica i ostalog inventara u restoranu i u Premium CIP salonu;
4. redovno izvještava osoblje kuhinje o potrebama Premium CIP salona za robom i namirnicama;
5. odgovoran je za kvalitetno, blagovremeno i zakonito obavljanje poslova iz opisa ovog radnog mjesta;
6. obavlja i druge poslove po nalogu neposrednog rukovodioca za koje je osposobljen.

3. Elektroničar u Sektoru razvoja, tehnike i standardizacije

Stručna sprema: KV - III stepen stručne spreme ili SSS - IV stepen Elektrotehničar

Struka /Smjer: Elektroničar, RTV mehaničar, Elektrotehničar

Znanja /vještine/sposobnosti: Poznavanje rada na računaru

(provjeriće J.P. Međunarodni aerodrom "SARAJEVO" d.o.o. Sarajevo testiranjem);

Radno iskustvo: Najmanje šest mjeseci radnog iskustva u struci

Probni rad: 2 mjeseca

Opis poslova radnog mjesta:

1. Vršiti održavanje elektroničkih komponenti na svim elektro tehničkim postrojenjima instaliranim na aerodromu;
2. učestvuje u održavanju svih elektrotehničkih postrojenja koja obezbjeđuju neophodne uslove za rad aerodroma;
3. rukuje elektrotehničkim postrojenjima koja su propisana procedurama rada elektro službe i brine oko blagovremenog isključenja/uključenja uređaja u granicama propisanog režima rada;
4. stručno se usavršava u pogledu praćenja novih tehnologija, dostignuća iz oblasti informacionih tehnologija (softverski programi) i zakonskih propisa u oblasti;
5. predlaže tehnička rješenja koja mogu poboljšati proces održavanja, učestvuje u izradi tehničkih poboljšanja i ista primjenjuje;
6. vrši održavanje AGL (Aeronautical ground lighting) prilaza, piste i rulnica
7. učestvuje u održavanju svih elektrotehničkih i el.energetskih postrojenja koja obezbjeđuju neophodne uslove za rad aerodroma, kao i u održavanju AGL-a;
8. održava uređaje, mašine i naprave za koje ne postoji ovlašteno servisiranje;
9. obavlja i druge poslove po nalogu neposredno nadređenog za koje je osposobljen.

4. Saradnik za razvoj i održavanje u Sektoru razvoja, tehnike i standardizacije

Stručna sprema: VŠ/BA - VI stepen stručne spreme predbolonjskog sistema, odnosno visoko obrazovanje najmanje prvog ciklusa bolonjskog sistema (180 ECTS bodova)

Struka / Smjer : Arhitektonski ili Građevinski fakultet-odsjek geodezija

Znanja / vještine / sposobnosti: 1. Poznavanje rada na računaru 2. Poznavanje Autocad-a, Gis-a, 3Dmax studio, Autodesk Map 3. Znanje engleskog jezika

(provjeriće J.P. Međunarodni aerodrom "SARAJEVO" d.o.o. Sarajevo testiranjem);

Radno iskustvo: Najmanje devet mjeseci radnog iskustva u struci

Probni rad: 3 mjeseca

Opis poslova radnog mjesta:

1. Organizuje, koordinira i učestvuje u pripremi katastarskih podloga i planova eksproprijacije;
2. priprema dokumentaciju za uspostavu mreža i geodetska snimanja,
3. u saradnji s ovlaštenim organizacijama izrađuje podloge za katastar podzemnih instalacija i vrši realizaciju uspostave i izrade GIS sistema aerodroma;
4. održava i ažurira GIS sistem;
5. predlaže izmjene i korištenje GIS sistema, te educira osoblje za upotrebu sistema;
6. organizuje i učestvuje u izradi planske i investiciono-tehničke dokumentacije;
7. koordinira razvojne projekte s nadležnim državnim organima i institucijama;
8. učestvuje u izradi tehničkih podloga za tendersku dokumentaciju za javne nabavke iz domena Službe;
9. vrši koordinaciju između izvođača radova i nadzornog organa u realizaciji iz domena Službe;

10. prati zakonsku i drugu regulativu, kao i tehnička dostignuća iz domena niskogradnje;
11. obavlja i druge poslove po nalogu šefa Službe za koje je osposobljen.

III

Zainteresovani kandidati se na predmetni javni oglas prijavljuju podnešenjem pisane *Prijave za prijem u radni odnos*.

Prijava se podnosi isključivo na propisanom, uredno elektronsko popunjenom i vlastoručno potpisanom obrascu "Prijava za zapošljavanje", broj UP 05-01 02, koji se može preuzeti na službenoj web stranici J.P. Međunarodni aerodrom "SARAJEVO" d.o.o. Sarajevo: www.sarajevo-airport.ba, u rubrici "O nama", podrubrika „Ljudski resursi“, članak "Prijava za zapošljavanje" – link za preuzimanje obrasca ili lično, na protokolu, u sjedištu J.P. Međunarodni aerodrom "SARAJEVO" d.o.o. Sarajevo – ulica Kurta Schorka broj 36, 71210 Ilidža - Sarajevo.

U Prijavi za zapošljavanje kandidat je obavezan upisati kontakt telefon i e-mail adresu.

NAPOMENA: *Ukoliko se prijava ne podnese na elektronsko popunjenom i vlastoručno potpisanom obrascu na za to predviđenom mjestu, te ukoliko nisu popunjeni SVI traženi podaci u rubrikama obrasca: „1.Prijavljujem se na radno mjesto“ i rubrika 2. „Lični podaci“, ista se neće uzeti u razmatranje.*

Uz Prijavu za zapošljavanje se prilaže sljedeća dokumentacija:

1. **izvod iz matične knjige rođenih - rodni list, trajni** (original ili ovjerena fotokopija) – SVI KANDIDATI
2. **uvjerenje o državljanstvu, ne starije od šest mjeseci** (original ili ovjerena fotokopija) – SVI KANDIDATI
3. **potvrda mjesta prebivališta/boravišta („CIPS“ prijava), ne starija od šest mjeseci** (original ili ovjerena fotokopija) – SVI KANDIDATI
4. **dokazi o ispunjavanju traženih posebnih uslova za radno mjesto za koje se prijavljuju** (original ili ovjerena fotokopija), i to:
 - a. **diploma/svjedočanstvo/svjedodžba o završenom obrazovanju za traženi stepen stručne spreme** - SVI KANDIDATI

(Napomena: VSS/BA, obavezni su dostaviti i dodatak/dodatke diplomi, kao njen sastavni dio. Kandidati sa završenim I i II ciklusom studija po Bolonjskom sistemu školovanja koji se prijavljuju za radno mjesto sa traženim 240 ECTS bodova obavezni su dostaviti diplome i dodatke diploma i I i II ciklusa studija, odgovarajućeg smjera utvrđenog u posebnim uslovima javnog oglasa. U slučaju nedostavljanja dodatka/dodataka diplomi, smatraće se da kandidat nije dostavio odgovarajući dokaz stručne spreme).

- b. **dokaz o radnom iskustvu** – SVI KANDIDATI.
5. **potvrda ili uvjerenje ili drugi relevantan dokument izdat od strane nadležnog organa da kandidat ima status iz:**
- **Zakona o pravima branilaca i članova njihovih porodica** („Službene novine Federacije BiH“, br.: 33/04, 56/05, 70/07, 9/10, 95/13, 90/17 i 29/22)
 - **Zakona o pravima demobiliziranih branilaca i članova njihovih porodica** („Službene novine Federacije BiH“, br. 54/19, 29/22, 81/23 i 60/24)
 - **Zakona o posebnim pravima dobitnika ratnih priznanja i odlikovanja i članova njihovih porodica** („Službene novine Federacije BiH“, br. 70/05, 61/06, 9/10, 90/17, 29/22 i 60/24)
- DOSTAVLJAJU SAMO KANDIDATI KOJI IMAJU NEKI OD STATUSA IZ NAVEDENIH ZAKONA, ukoliko žele da pod jednakim uslovima, tj sa ostvarenim istim ukupnim brojem bodova, ostvare prednost pri zapošljavanju.**

IV

Prijava na javni oglas, sa naprijed naznačenom dokumentacijom, podnosi se putem pošte ili neposredno u sjedištu J.P. Međunarodni aerodrom „SARAJEVO“ d.o.o. Sarajevo (protokol), Sarajevo-Ilidža, ulica Kurta Schorka broj 36 (kompleks Međunarodnog aerodroma Sarajevo), u zatvorenoj koverti, na kojoj treba biti napisano:

PRIMALAC: J.P. Međunarodni aerodrom „SARAJEVO“ d.o.o. Sarajevo
Ul. Kurta Schorka broj 36
71 210 I L I D Ž A - S A R A J E V O

sa naznakom: „Prijava na javni oglas za prijem u radni odnos na radno mjesto:

_____ - NE OTVARATI“
(upisati puni naziv radnog mjesta za koji se prijava podnosi)

Na poledini kovertu potrebno je napisati:

- ime i prezime kandidata,
- naziv i broj ulice stanovanja,

- naziv i poštanski broj mjesta stanovanja (općina i/ili grad).

Ukoliko kandidat ima namjeru da se prijavi na dva ili više radnih mjesta, dužan je za svako radno mjesto na koje se prijavljuje podnijeti posebnu prijavu, sa zahtjevanom dokumentacijom, u posebnoj koverti.

V

Dodatne i detaljne upute i pojašnjenja u pogledu prijave na javni oglas, kao i u pogledu tražene dokumentacije, te po drugim relevantnim pitanjima u vezi sa prijavom, mogu se pronaći u dokumentu „Vodič za prijavu na javni oglas J.P. Međunarodni aerodrom „SARAJEVO“ d.o.o. Sarajevo – Zasnivanje radnog odnosa“.

Navedeni dokument može se preuzeti na službenoj web stranici J.P. Međunarodni aerodrom "SARAJEVO" d.o.o. Sarajevo: www.sarajevo-airport.ba, u rubrici "O nama", podrubrika „Ljudski resursi“, članak "Prijava za zapošljavanje" – link za preuzimanje dokumenta „Vodič za prijavu na javni oglas J.P. Međunarodni aerodrom SARAJEVO d.o.o. Sarajevo“.

VI

Za provođenje oglasne procedure po ovom oglasu formiraće se posebne komisije.

Proces izbora kandidata za prijem u radni odnos zasnivaće se na razmatranju dostavljene dokumentacije i održanim testovima/provjerama: usmeni test/intervju, stručni test, test poznavanja rada na računaru, test znanja engleskog jezika, praktična provjera znanja u zavisnosti od zahtjevanih uslova pojedinog radnog mjesta.

Komisija će kandidate ocjenjivati na osnovu rezultata pokazanih tokom gore navedenih testiranja/intervjua, nakon čega će sačiniti listu uspješnih kandidata i dostaviti je nadležnom organu na odlučivanje.

U slučaju da u toku postupka izbora kandidata za prijem u radni odnos neki od kandidata ostvare jednak broj bodova, prednost pri zapošljavanju, pod jednakim uslovima, tj ostvarenim istim ukupnim brojem bodova, će imati kandidat koji ima neki od statusa iz tačke III 5. ovog Oglasa, ukoliko takvih kandidata ima i ukoliko su dokaznu dokumentaciju o tom statusu dostavili uz prijavu.

VII

Nakon provedenog postupka odabira najuspješnijeg/najuspješnijih kandidata koji su aplicirali na radna mjesta iz tačke I ovog oglasa, od izabranog/izabranih kandidata će se zatražiti dostavljanje:

- lješkarskog uvjerenja – dokaz o zdravstvenom stanju i psihofizičkoj sposobnosti izabranog/izabranih kandidata, a koji odgovaraju uslovima radnog mjesta iz tačke I. ovog oglasa;
- uvjerenje o nevođenju krivičnog postupka - dokumentacija potrebna za izdavanje dozvole za kretanje i zadržavanje lica na međunarodnim aerodromima u skladu sa Pravilnikom o izgledu, sadržaju, uvjetima i postupku izdavanja i oduzimanja dozvola za kretanje i zadržavanje lica na međunarodnim aerodromima ("Službeni glasnik BiH" br. 45/25; 66/25) i 2 fotografije.

VIII

Krajnji rok za podnošenje prijave po ovom javnom oglasu, odnosno za njihovu predaju na poštu ili na protokol J.P. Međunarodni aerodrom SARAJEVO“ d.o.o. Sarajevo, je 15 (petnaest) dana od dana njegovog objavljivanja, odnosno **21.07.2026. godine**.

Neblagovremene, nepotpune i neuredne prijave, odnosno prijave koje nisu podnešene u skladu sa zahtjevima ovog javnog oglasa, kao i u skladu sa Vodičem za prijavu na javni oglas J.P. Međunarodni aerodrom SARAJEVO“ d.o.o. Sarajevo za zasnivanje radnog odnosa, se neće razmatrati.